

國朝宮史續編

國朝宮史續編卷之四十八

典禮四十二

宮規四

宮中門禁

臣等謹案大內之有門禁關防巡徼立法有
常不特周廬千列執戟百重供翊衛而已也
我

朝宮禁肅清郎衛與兵衛並重弗襲古制而自
與古合比年以來

皇上申嚴稽覈懲誡晏安規制加詳所有晝坐門

閤夜守扃鑰以及進班防範各事宜恭見於
訓諭各條臣等謹叅攷

皇朝通考會典增輯門禁一則用以著章程之由
舊辦次舍之整齊不可以久而或弛云闕

一合符

合符之制塗金為之錫陽文

聖旨字外匣並鑰均藏

大內於 景運 隆宗 東華 西華 神武

門豫頒陰文合符一扇存貯如遇夜有奉

旨飭遣及緊急軍務應即時啟門者俟

大內持出陽文合符直班護軍統領叅領取陰
文合符比驗迺啟門如由 蒼震門 啟祥
門等處值班護軍統領叅領比驗啟放如之
又步軍統領衙門及正陽西直二門頒給陰
文合符同遇應啟門時該城門領立時比驗
啟放其餘各門遇陽文合符至該城門領馳
報步軍統領親齎陰文合符比驗啟門均於
次日具奏值

皇上車駕行幸陽文合符交留京辦事王大臣輪班交替看守俟

皇上迴蹕還宮即恭繳交入

大內

皇上迴蹕駐圓明園徑送

御園宮門繳進

一宿衛

宿衛之制 三旗侍衛分六班更番輪直班分兩翼鑲黃旗為左翼正黃旗為右翼正白

旗半為左翼半為右翼各設侍衛班領二員
署班領二員侍衛三十員直

乾清門為內班散秩大臣一員侍衛親軍十名
直

中和殿侍衛什長三名侍衛親軍三十名直
太和殿為外班以領侍衛內大臣一員總統之
內大臣散秩大臣二員隨班入直 八旗前
鋒營八旗護軍營一體分班守衛

景運門直班大臣一員司鑰長一員主事一員

護軍校二員傳籌護軍校一員門筆帖式二員閱門籍護軍六名護軍十八名傳籌護軍九名

隆宗門印務叅領一員護軍叅領一員護軍校二員傳籌護軍校一員門筆帖式一員閱門籍護軍一名護軍十八名傳籌護軍九名

後左門 後右門護軍叅領各一員護軍校各二員門筆帖式各一員閱門籍護軍各一名
護軍各十三名

正黃正白三旗官軍按日分班凡丑未日為
鑲黃旗首班寅申日為鑲黃旗二班己亥日
為正黃旗首班子午日為正黃旗二班卯酉
日為正白旗首班辰戌日為正白旗二班各
輪番直宿又防範火班遇應用齊集處由直
班之護軍統領及司鑰長等於左翼門等
處護軍每門調二人共四十六人協同內府
直班官兵候遣關門以外五門及紫禁城
外周圍俱用下五旗護軍每
旗各二日總隸於景運門直班統領稽察
輪班直宿

一傳籌

傳籌之制

紫禁城內五籌遞傳每夕自景運門發籌西
行過

乾清門出隆宗門循而北過啟祥門迤而
西過凝華門迤而北過

中正殿後門迤北至西北隅迤而東過順貞

門吉祥門至東北隅迤而南過蒼震門
至東南隅迤而西仍至景運門凡十二汎

為一周紫禁城外每夕八萬進
傳自關左門起訖

一門鑰

門鑰之制恭遇

皇上乘輿出入各門均啟中門每夕景運門直

宿司鑰長率官軍自後左門後右門

中左門中右門左翼門右翼門

太和門昭德門貞度門以次驗視扁鐫

午門以隆宗門護軍叅領東華門以蒼

震門護軍叅領西華門以啟祥門護軍

參領

神武門以 吉祥門護軍參領分視局鑄畢各遣護軍校納鑰於司鑰長受驗諸門鑰彙貯於篋復加扁鑰詰朝各門校以次領鑰啟門日以為常

一禁令

紫禁城門禁令凡王公官員執事人等各有限制不得擅行其准於應行之門出入者由直班官軍詢明放進如有無故溷入及濫攜入

濫縱入者分別議處 午門右門唯王公得
行左門准各衙門官吏行其內大臣侍衛內
務府等官及內廷有執事官與內府各執役
人等准由禁門行者均將姓名及所隸旗分
佐領內管領造冊咨送登籍於經由之門各
置一通工匠服役人等則由該管衙門各給
火烙印腰牌書姓名工作差役持為出入符
驗以護軍之識字者專檢門籍稽其出入籍
內無名及不帶腰牌者不准放行又每門設

紅杖二以護軍二人更番輪執坐門下親王以下經行皆不起立有不報名擅入者撻之

乾隆四十七年十一月十三日奉

諭旨紫禁城內每日有進班之王公及領侍衛內大臣大臣部院大臣都統護軍統領等五人自應每夜巡察各所屬侍衛章京護軍副後著自二更起至五更止進班之領侍衛內大臣不時巡查該管侍衛親軍護軍統領不時巡察該管章京護軍校護軍至外圍之各堆撥著進六班之王大臣等輪

流不時巡察倘有曠班以及任意睡卧不生更者
一經查出即會同領侍衛內大臣叅奏治罪以示
懲儆朕仍不時派進班之御前侍衛乾清門侍衛
暗中巡察如查出曠班及貪眠之人務將該管之
大臣一併治罪

嘉慶十年三月初二日奉

諭旨本日據前統領領護軍統領等奏稱遵旨編
查各門堆撥器械有虧舊損壞應行修補者照
例咨行武備院修理其稍覺虧舊者亦著陸續

一律抽換外嗣後器械內如有損壞令其一年
兩次咨行該院修補至五年仍令照例修造整
齊更換等語俱著照所請行兵氣原可百年不
用不可一日不備紫禁城內外各門堆撥俱有
官給槍刀器械排設值班官兵俱各令佩帶腰
刀原以防倉卒意外之虞並非徒壯觀瞻而已
但承平日久官兵怠玩成習漸至舊章廢棄其
各門堆撥值班官兵見王大臣經過始行匆忙
覓取腰刀佩帶或竟有倉卒不及佩帶者即各

門值班侍衛等亦然此朕素所深知昨神武門
章京護軍等擒拏逆犯薩彌文之時乃係奪取
該犯所執槍刀扎砍顯係彼時伊等並未佩帶
腰刀本應將伊等治罪但念擒拏逆犯時尚屬
各知奮勉姑未深究仍將被該犯砍扎受傷之
章京護軍校護軍等分別陞賞此朕格外恩施
伊等不可不知也嗣後各門堆撥所設器械著
不時查點務使銳利適用值班侍衛章京護軍
校護軍等務令俱各常川佩帶腰刀違者該管

大臣等嚴叅懲治並將此通諭諸王大臣等每
遇經過紫禁城內外各門堆撥時若值班官兵
內有不佩帶腰刀者即行查問告知該管章京
大臣等嚴行辦理倘該管章京大臣等瞻徇不
辦即將該管章京大臣一併叅奏著將此旨敬
謹鈔錄於各門堆撥值班房內各貼一通示諭
值班官兵永遠遵行慎勿視為具文因循塞責
尋復廢弛如有不遵定即從重治罪決不輕貸
將此通行曉諭俾各實意奉行

九月二十八日奉

諭旨昨日軍機大臣會同刑部審擬護軍校關靈在景運門外裝傷妄拏一案關靈身充護軍校在禁城內該班輒自行放爆動刀妄拏誣陷門擬大辟實屬罪由自取與所拏之人無涉第禁城之內門禁自應肅清各官員進內當差豈容任意攜帶廝役多人出入往來毫無限制即如此案大理寺寺丞桑英以六品微員是日進內隨班陪奏其跟班家人竟得走至景運門外在

於臺階坐歇實屬不成體制試思禁地森嚴即宗室王公蒙古王公等秩分較崇其護衛本屬不少至該班入內則當大加減省此外文武一二品大臣及四五品以上各堂官因事進內均應酌量僉從人數不得過多至侍衛司官章京等除本館本衙門原在禁城之內以及該班直宿等事自不能不准其酌帶僕從至於引見奏事之時並亦任聽家丁等徑至景運隆宗門外雜沓紛擾大屬非是著交滿漢大學士尚書詳

悉會議將禁城內王公大臣官員等應帶人數
多寡以及所帶僕從應分別等級行至何處為
止嚴定章程不准踰越並繪圖貼說一併奏聞
以肅定制 大學士尚書等會議王公大臣官
員進內隨帶護衛僕從人數親王郡王准帶
十人貝勒貝子公一品文武大員准帶八人
二品文武大員及三品京堂官准帶六人四
五品京堂官准帶四人文職五六七品武職
三四五六品官員准帶二人文職八品武職

七品以下官員准帶一人除護衛官員照舊
隨帶進內行走外其餘僕從人等自王以下
大職三品武職二品以上大員並內廷行走
各官所帶之人准其至 景運門 隆宗門
外在臺階下二十步外停立此外跟人概令
於 左翼 右翼二門臺階為止責成管門
章京率領護軍稽查其經由 神武門者出
入俱令循東西夾道行其 東華門內之西
夾道向北行走趨過 左翼門可徑至 景

運門外應禁止僕從人等出入造辦處及內
務府衙門人役衆多應令總管內務府大臣
日派司員稽查毋得往來 隆宗門外停留
坐立其 左翼 右翼 協和 熙和 闕
左 闕右等門俱責成該管官校分地稽查
毋得稍踰禁限奏入奉

旨依議其蒙古王貝勒貝子公台吉及回部藩部
之王公伯克土司等所帶僕從亦均著各按品
級分別人數地界行走不准踰越且本年呈進

湯羊之蒙古台吉官員等向於東華門三座門
內雜沓擁擠亦非體制著交原議大臣定立界
限具奏以歸畫一欽此尋議嗣後蒙古呈進湯
羊等項之台吉到京由理藩院派筆帖式領
催帶進東華門指令於三座門外石橋以
南排列聽候交納其三所夾道舊設有蒙古
朝房年班入覲之王公台吉等隨帶役人均
於夾道內停立應令照新例定額遵行奉

旨依議

國朝宮史續編卷之四十九

典禮四十三

冠服

臣等謹案周官追師掌王后之首服內司服掌王后之六服凡朝祭令典各準其式用之我

朝彤闥灋服定制詳明具載前編

宮史茲臣等參攷

皇朝禮器圖式及

欽定宮中現行則例與前編所載小異者謹續於

後以一儀式焉

皇太后冠服

冬朝冠薰貂為之綴朱纓中安金累絲三鳳
冠頂一座上銜三等大東珠一二等東珠九
三等東珠四三等珍珠三小珍珠四十八
金鳳七飾二等東珠六十三小珍珠一百四
十七貓睛石七

金翟一飾小珍珠十六貓睛石一

金箍一鑲青金石一飾二等東珠十三

金垂掛二一金桃花鑲青金石兩面飾二等
東珠六次等珍珠五三等珍珠六四等珍珠
三百有二末綴珊瑚一鑲青金松石飾二等
東珠十六次等珍珠五三等珍珠十六四等
珍珠三百二十四

冠後護領垂明黃縹二末綴寶石青緞為帶
夏朝冠鶯絨為之餘製悉如冬朝冠

金領約週圍金雲十三飾二等東珠十一三
等東珠四次等珍珠四明黃縹貫珊瑚背雲

二松石墜角四

金珥左右各三貫頭等東珠十二

朝服朝珠中左右共三盤一東珠一珊瑚一

蜜珀吉服朝珠一盤各色珠身佛頭記念背

雲大小墜珠寶雜飾隨所御俱用明黃絛

綠悅綠繡五穀豐登佩箴管簪裘之屬絛俱

明黃色

朝褂石青色片金緣前後繡立龍四下通襲
積四層相間上為正龍四下為萬福萬壽領

後垂明黃縹其飾珊瑚墜角 又朝褂無襞
積石青色緣金繡龍如前下幅八寶平水領
後垂明黃縹其飾珊瑚各色墜角惟宜緞紗
單袷各惟其時

冬朝袍明黃色披領及袖俱石青色片金加
貂緣肩上下襲朝褂處亦加緣繡文金龍九
間以五色雲中無襞積下幅八寶平水披領
行龍二袖端正龍各一袖相接處行龍各二
領後垂明黃縹其飾珊瑚墜角 又朝袍明

黃色片金加海龍緣中無襞積裾後開餘均
如前

夏朝袍明黃色片金緣中無襞積裾後開緞
紗單袷各惟其時餘制如冬朝袍

冬朝裙片金加海龍緣上用紅色織金壽字
緞下鑲石青行龍妝緞皆正幅有襞積

夏朝裙片金緣緞紗各惟其時餘制如冬朝裙
吉服褂八團龍石青緞袍九龍鶯黃緞

皇后冠服

冬朝冠薰貂為之夏朝冠鶯絨為之三鳳冠
頂所銜之三等東珠四定為四等珍珠三金
簪定為三等珍珠十三餘與

皇太后同

冬夏朝褂朝袍朝裙吉服均與

皇太后同

皇貴妃冠服

冬朝冠薰貂為之夏朝冠鶯絨為之三鳳冠
頂所銜之三等大東珠一定為三等大珍珠

一金鳳七二等東珠十九三等東珠四十四
金箍二等東珠十二垂掛二一用二等東珠
四次等珍珠四四等珍珠二百五十五一用
二等東珠十二次等珍珠十二四等珍珠二
百四十九領約二等東珠七珥二等東珠十
二朝珠三中用三等珍珠一盤青金石二盤
並綵帨所佩之屬俱用明黃繅餘與

皇后同

冬夏朝褂朝袍朝裙與

皇后同吉服袍用金黃緞

貴妃冠服

冬朝冠薰貂為之夏朝冠鶯絨為之金鳳七
二等東珠十一三等東珠五十有二金箍三
等東珠十二垂掛二一用四等珍珠一百九
十有二一用四等珍珠二百有四朝珠三珊
瑚二盤蜜珀一盤正綵悅所佩之屬俱用金
黃絛餘與

皇貴妃同

冬夏朝褂領後垂金黃絛朝袍用金黃色餘
與

皇貴妃同

妃冠服

冬朝冠薰貂為之夏朝冠鶯絨為之三鳳冠
頂銜貓睛石一三等東珠九五等東珠二四
等珍珠二小珍珠三十二金鳳五三等東珠
三十五小珍珠一百有五垂掛二一用三等
東珠四四等珍珠一百八十有八一用三等

東珠十二四等珍珠一百九十有七領約三等東珠七珥三等東珠十二絲帨綠繡雲芝瑞草餘與

貴妃同

冬夏朝褂朝袍朝裙吉服均與

貴妃同

嬪冠服

冬朝冠薰貂為之夏朝冠鶯絨為之三鳳冠頂用二翟鳥銜磬子石一無光東珠八四等

珍珠二小珍珠三十二金翟五無光東珠二
十有五小珍珠九十有五又金翟一小珍珠
十六金翟無光東珠八垂掛二一用無光東
珠三次等珍珠三四等珍珠一百七十有二
一用無光東珠八次等珍珠八四等珍珠一
百七十有七領約無光東珠七珥四等東珠
十二綠帨綠色不繡花文餘與

妃同

冬夏朝袍用香色吉服石青褂上四團龍下

四團夔龍袍九龍香色緞餘與

妃同

貴人服色

吉服石青褂八團夔龍袍與

嬪同

常在服色

吉服褂袍與

貴人同

皇子福晉冠服

冬朝冠薰貂為之夏朝冠鶯絨為之冠頂銜
紅寶石一五等東珠十金孔雀五五等東珠
二十有五小珍珠三十有九金翟一金翟五
等東珠九垂掛二均用小珍珠一兩六錢領
約五等東珠七珥五等東珠十二朝珠三珊
瑚一盤蜜珀二盤綵帨綠色不繡花文凡所
佩之屬均用金黃縹

朝褂石青色片金緣前繡行龍四後行龍三
領後垂金黃縹雜飾惟宜冬夏朝袍均用香

色朝裙如制吉服石青褂四圍龍袍九龍香
色緞

國朝宮史續編卷之五十

典禮四十四 儀衛

皇太后儀駕

萬壽輦

臣等謹案乾隆十六年

皇太后六旬萬壽肇舉祝

釐盛典

上躬奉

慈駕入宮

皇太后御金輦明黃緞幃繡壽字篆文奉輦以二十
八人嗣是二十六年二十六年

皇太后七旬八旬萬壽禮皆如之

龍鳳輿一髮以明黃中安釵花金頂明黃重
幃繪金龍鳳坐具明黃緞彩繡龍

鳳輿以
十六人

儀輿二同頂塗金明黃雲緞為衣
餘同龍鳳輿以八人

龍鳳車一髮以明黃中安釵花金圓頂明黃
金緞為衣坐具明黃緞彩繡龍鳳

輦黃髮
駕馬一

儀車二同頂塗金餘
同龍鳳車

朱甃拂塵二

金提鑪二

金香合二

金盥盆一

金唾壺一

金水瓶二

塗金交椅一

塗金方几一

曲柄三幃九鳳蓋一

金節二

鳳以黃紗繡五色
綴朱髦五

直柄三幘九鳳繖十

直柄三幘

花繖四

直柄三幘全紅方繖四

龍鳳扇八

雉羽扇八

金龍鳳旗十

卧瓜四

立瓜四

吾仗四

以上各制具詳前編

皇后儀駕

鳳輿一

髻以明黃中安鈿花金頂明黃重帷繪金鳳生具明黃緞繡彩鳳輿以十

六人

儀輿二

圓頂塗金明黃雲緞為衣餘同鳳輿輿以八人

鳳車一

髻以明黃中安鈿花金頂明黃金緞為衣坐具明黃緞繡彩鳳輿黃髻駕

一馬

儀車二

圓頂塗金餘同鳳車

朱甍拂塵二

金提鑪二

金香合二

金盥盆一

金唾壺一

金水瓶二

塗金交椅一

塗金方几一

曲柄三幃九鳳蓋一

金節二

鳳以黃紗繡五色
綴朱髦五

直柄三幃九鳳繖十

直柄三幃寶相花繖四

直柄三幃全紅方繖四

龍鳳扇八

雉羽扇八

金鳳旗十

卧爪四

立爪四

吾仗四

以上各制
具詳前編

皇貴妃儀仗

翟輿一

髮以明黃中安素金頂明黃重幘繪金翟坐具明黃緞繡彩翟輿以八人

儀輿一

圓頂塗金明黃雲緞為衣餘同翟輿輿以八人

翟車一

髮以明黃中安素金頂明黃雲緞為衣坐具明黃緞繡彩翟輪黃髮駕馬

一

儀車一

圓頂塗金餘同翟車

朱甃拂塵二

金提鑪一

金香合一

金盥盆一

金唾壺一

金水瓶二

塗金交椅一

塗金方几一

曲柄三幃七鳳蓋一

金節二

以紅紗繡五色鳳級朱髦五

直柄三幃寶相花繖六

直柄三幃瑞草花繖四

雉羽扇四

團扇六

鳳旗六

彩旗四

卧瓜二

立爪二

吾仗二

以上各制具詳前編

貴妃儀仗

翟輿一

翟以金黃中安素金頂金黃重幃繪金翟生具金黃緞繡彩翟輿以八人

儀輿一

為圓頂塗金金黃雲緞
衣條同翟輿

儀車一

髹以金黃中安素金頂金黃雲緞為
衣生具金黃緞繡彩翟輪黃髹駕馬

一

朱甌拂塵二

金提鑪一

金香合一

金盥盆一

金唾壺一

金水瓶二

塗金交椅一

塗金方几一

曲柄三幃七鳳蓋一

金第二

以紅紗繡五色鳳綴朱髦五

直柄三幃寶相花繖六

直柄三幃瑞草花繖四

雉羽扇四

團扇四

鳳旗六

彩旗四

卧爪二

立爪二

吾仗二

以上各制具詳前編

妃采仗

翟輿一

髻以金黃中安銅質塗金頂金黃重
幃繪金翟坐具金黃緞繡彩翟昇以

八

儀輿一

銅頂塗金金黃雲緞為
衣餘同翟輿昇以四人

儀車一

髻以金黃中安銅質塗金圓頂金黃
雲緞為衣坐具金黃緞繡彩翟輪金

黃髮駕馬

銀提鑪一

銀香合一

銀盥盆一

銀唾壺一

銀水瓶二

塗金交椅一

塗金方几一

金節二

以紅紗繡五色
鳳綴朱髦五

直柄黃繖二

直柄三幃寶相花繖四

團扇四

鳳旗四

卧爪二

立爪二

吾仗二

以上各制具詳前編

嬪采仗

翟輿一

髹以金黃中安銅質塗金頂金黃重檐繪金翟生具金黃緞繡金翟輿以

八人

儀輿一

銅頂塗金金黃雲緞為衣餘同翟輿以四人

儀車一

髹以金黃中安銅質塗金圓頂金黃雲緞為衣輪金黃髹駕馬一

銀提鑪一

銀香合一

銀盥盆一

銀唾壺一

銀水瓶一

塗金交椅一

塗金方几一

金節二

以紅紗繡五色鳳綴朱髦五

直柄三幃寶相花繖四

團扇二

鳳旗二

卧瓜二

立瓜二

吾仗二

以上各制具詳前編

凡

儀駕

儀仗

采仗旗纛頂俱塗金昇輿蹇仗俱用旗尉內廷
則用內監服紅綢織小團花遜衣綠帶氈帽
綴紅絨纓銅頂繫金黃翎

國朝宮史續編卷之五十一

宮殿

臣等謹案宮殿為

國家萬年締構前編規制具詳自乾隆壬午以後

高宗純皇帝創守貽模道崇豫立是以寧壽宮觀成於丙歲

毓慶宮鼎新於卯秋一則鞏

福基於廿年歸政之前一則擴

鴻圖於周甲建儲之後因時舉重冠古立隆豈特壯
王居麗宸極紫微閣道上應天文已哉又若
煥

帝家之堂構內則有

乾清宮之修重

聖作之圖書外則有

文淵閣之建凡夫經營繕治可久可大之業無

一不本諸

神謨廣運以為棟隆卜吉丹雘示勤古稱合宮明堂

儀天矩地誠曷能方斯之美備者伏睹我

皇上臨軒御宇時以疊承

家法為心恭讀

御製毓慶宮記

養心殿銘悉皆闡述

前徽丕昭世守不啻仰松雲而祝苞茂焉臣等續輯

是編以

宮殿為宮史名義所由起自外朝以達內廷各
就其徑路相屬依次增書而若

壽皇殿

雍和宮膳禮之所暨西苑

臨御諸處一如前例恭載至

聖製

御製詩文以及禁扁楹帖或珍懷

手澤或鑑著心箴典要不刊允宜詳紀若夫對時抒

寫諸作備極富有日新之盛久奉禋頌

兩朝御集昭示寰區無事纓陳以歸簡要云爾

宮殿一

外朝一

皇朝宮殿皆都城正中環以

皇城周十八里有奇廣袤三千六百五十六丈五
尺高一丈八尺下廣六尺五寸上廣五尺三
寸甃以甃朱塗之上覆黃琉璃瓦城四門南
曰 天安北曰 地安東曰 東安西曰
西安 天安門外東西南三面垣周四百七
十一丈三尺六寸南曰 大清門東為 長
安左門外垣周一百五十五丈西為 長安

右門外垣周一百六十七丈五尺一寸各設
三座門此 皇城外郭之制也

紫禁城居 皇城内周六里廣袤一千六十八
丈三尺二寸南北長二百三十六丈二尺東
西長三百有二丈九尺五寸高三丈堞高四
尺五寸五分下廣二丈五尺上廣二丈一尺
二寸五分城四門南曰 午門北曰 神武
東曰 東華西曰 西華四隅角樓各一牆
外東西北三面守衛圍房七百三十二間此

紫禁城內維之制也

皇城內河流四面環繞由地安門外西步梁橋
入者經景山西門引入環紫禁城是為護
城河護城河西面之水自紫禁城西南隅
流經天安門外金水橋東南注御河是為
外金水河又西關門下有地道引城河水
經午門前至東關門外循

太廟右垣南流折而東注

太廟戟門外簫子河東南合御河其由地安門東

步梁橋入者經 東安門內望恩橋注御河
其入 紫禁城者由 神武門西地道引護
城河水流入沿西一帶經 武英殿 太和
門前是為內金水河復流經 文淵閣前至
三座門從 鑾駕庫巽方出 紫禁城此
皇城內外水道經由之次也

大清門在都城正陽門內為 皇城第一門面
南正中三闕上為飛檐崇脊門前地方廣數
百步為天街俗名棊盤街周以石欄左右石

獅下馬石牌各一門內十步廊東西嚮朝房
各百有十楹又折而北嚮各三十四楹皆聯
檐通脊凡吏兵二部月選官掣籤禮部鄉會
試磨勘刑部秋審俱集於此朝房外東為戶
部米倉西為工部木倉其北天街橫亘東出
為長安左門西出為長安右門門各三
闕東西嚮門外下馬石牌各一趨朝者由此
出入其北正中南嚮者為

天安門五闕上覆重樓九楹彤扉三十有六前

臨御河跨石梁七為外金水橋橋南北石獅
各二其南華表對峙

國家大慶

覃恩宣

詔書於門樓上由堞口正中承以朵雲設金鳳銜
而下焉是為皇城正門其北相直為

端門制與天安門同南立華表二東西兩廡
各二十六楹此外朝三門之制也

太廟街門在端門東廡正中門內為

太廟南嚮朱門丹壁覆以黃琉璃瓦衛以崇垣周二
百九十一丈六尺琉璃甃門三左右門各一
戟門五崇基石闌中三門前後俱三出陛中
九級左右各七級門內外列戟百有二十左
右門各三均一出陛各五級

前殿十有一楹重檐垂脊承沈香柱正中三楹飾金
梁棟階三成繚以石闌正南及左右凡五出
陛一成四級二成五級三成中十有一級左
右九級

中殿九楹同堂異室內奉

列聖

列后神龕均南嚮後界朱垣中三門左右各一門為
後殿制如

中殿奉

祧廟神龕均南嚮

前殿兩廡各十有五楹階均八級東廡為配饗功臣
位西廡為配饗功臣位東廡前西廡南燎鑪

各一

中殿

後殿兩廡各五楹藏祭器

後殿東廡南燎鑪一戟門外石梁五橋北井亭二六角閑以朱櫺橋南東為

神庫西為

神厨各五楹

廟門外之西南奉祀署三楹東嚮左右房各三楹垣一重門一北嚮東南宰牲亭三楹前治牲房五楹均西嚮垣一重門一西嚮井亭一六角

閑以朱櫺西南即

太廟街門五楹西北為

太廟右門三楹均西嚮

臣等謹案

太廟時享每歲孟春於正月上旬卜日孟夏孟秋孟
冬以朔日孟春時饗如遇

祈穀齋戒之期

皇帝詣

太廟出入導迎樂設而不作歲除前

太廟祫祭月大建以二十九日小建以二十八日行

禮恭攷

廟制

中殿供奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝

高宗純皇帝

列聖

列后神位祭日恭請奉安

前殿禮成恭送至

中殿供奉如初

後殿供奉

肇祖原皇帝

興祖真皇帝

景祖翼皇帝

顯祖宣皇帝

列聖

列后神位大祫日恭請奉安

前殿禮成恭送至

後殿供奉其四孟時饗遣親王詣

後殿行禮間遇夏

雩秋獮遣親王代饗執俘酋至例獻於

太廟街門所有祭儀具載會典其稍別於舊者乾隆

三十六年大學士等奏

聖壽周甲懇請節勞用專誠敬奉

高宗純皇帝諭旨量為定議自宮中

御禮輿至太和門階下降輿

御輦入西北門至

太廟北門外

御禮輿入左門循東垣行至戟門外東階下降輿步

入左門至

幄次迨禮成由戟門左門出升輿如儀至每祭

特派皇子親王隨詣

列祖位前上香遶近支宗室分獻帛爵緣情起義典
必加隆我

皇上登極以來膺

命主鬯歲薦躬承洎己未九秋

祔升十室對越

居歆欽

祐宇之巍然仰

羹牆之如在臣等續撰

宮史宮殿門例詳

廟

社規制併恭輯

聖製

御製節年大饗詩什備昭禮盛福穰之極則焉

附案

各門恭載詩文體例有闕典要者按年錄注
系以干支凡御書不錄注不系干支又

所繫舉其大者仍前備載餘注明恭見前編
先朝御筆暨錫刻詩文為萬年鑒觀

聖製孟冬時享

太廟詩 壬午

午門嚴左鼓

廟享致欽崇思孝奉

先切維親執事同

獻帛

酒皆

萬年福綿奕三獻樂沖

融

優懷寧常語誠知

一脈通

聖製孟冬時享

太廟詩

癸未

重檐曙色披九益瑞煙蕤

六世非遙脈一心邈

上思禮義惟覺速廢徹那言遲積月年將轉追懷無盡期

聖製孟夏時享

太廟詩 甲申

日積月成嬗春徂夏復來追思心罔極

往聖治猶恢永念

勤民要斯誠卜世培繼繩誰是責敢不益欽哉

聖製孟冬時享

太廟躬詣行禮詩 乙酉

雞人詔百官夜漏未云闌披曙午門出谷陽

太室寬黃彝三獻肅朱瑟七成彈敬憶宣尼語稍紓
心所安

聖製孟夏有事

太廟述事

丙戌

鼙鼓肅寅牌午門雨濕街復是日有顓霑澤思聲無那
奉

先懷

燕翼貽庥永懿支執事皆

祭歸不作樂

凡祭祀禮成有導迎樂齊則不作

雩祀又臨齋

聖製孟冬時享

太廟詩

丁亥

敬識宣尼語必躬心始虔

僊聞親一脉勿替引千年孟朔祀惟舉小陽律正宣
禮成將肅退祇覺意惓然

聖製孟冬時享

太廟詩

壬辰

祭衣晉裼明夜雨喜朝晴

五代有餘烈一心無盡情和平宣雅樂博碩薦嘉牲
奏

假差欣者今年幸稔成

聖製歲暮禋祭

太廟禮成述事壬辰

禋祭由來重四時躬親歲暮企追思升香

昭穆節頻度

禋祭上香畢

進引至

九廟合饗

自恭詣列祖

詣列宗位

中位

前上香畢思後進後進凡八人分列隨詣上香庶昭敬

簡且稍節執事躋踰遠近友室太廟執事並用宗室人員今特簡派近友

宗室皆皇祖孫曾元輩敬謹將事一脈相承覺益切萬年有永祝

如斯既愉以戚惜廢徹義與宣尼可合之

聖製孟冬時享

太廟禮成有述公已

齋宿舉

冬裡躬承追慕申辦香均致炷去歲禋祭例自至

列祖履亦太多因更定儀注親詣返八度慮涉瀆舉且步

率皇子等各分上香室仍依舊例均親詣上香孟冬時享祇因起且均致同

之清酒惜三陳宗室濟蹕助明庭禮樂彬告成更

頌朔律協海西濱

今歲頤和碩特汗王等所居之地及烏

里祖麻台附近諸部凡二十五處

聖製孟冬時享

太廟禮成有述

甲午

吉朔來時禮舉

烝履霜義象凜堅冰

萬年似續期無忝

一脈精神若有憑



懷固嘗親

祖考繼繩豈敢忘

高曾即如宣祝欲流涕代

祭知他恐未能

聖製歲暮禋祭

太廟禮成六韻

甲午

四時鈞運轉

九世禋禋臨

歲暮

禋祭

九世

祖宗

同堂

公旦達孝創

宣尼論語斟敢云指諸掌惟是切於心節少步趨數

聲期恒躬

祭欽命裕祭禮文繁重自前歲以來予春秋已逾六十

皇子正位躬致辦香廟之路亦改由近支諸王及

循牆而東至戟門前降輿翼稍省步趨之勞益得又

茲三閱歲無邪隙流陰帛酒近支

獻冀因親脉

歌

聖製歲暮裕祭

太廟禮成述事乙未

或問禘之答不知義最精存誠心果篤出治掌如平

源本宗廟

祖趨踰弟與兄

壬辰冬因予春秋已通六十命閭部

正位躬親致辨香列

祖各位則派近支諸王及皇子恭代以節繁縟禮成

忻以戚肯俾代而行

聖製孟秋時享

太廟禮成述悲

丁酉

歲月迅如流忽忽屆孟秋

祔來祭斯始

親自

詣行

禮而

既虞

祫以來

初值

時享是

以

為吉

祭之始

述

追

遠

追

憶

慈恩

倍留景慕

虞後憶從頭易吉敢違禮思

思益結憂

禘嘗具深義夫子必從周

聖製孟冬時享

太廟詩 丁酉

每歲躬冬

享

每歲自熱河奉
太廟必親詣行

聖母還駐暢春園孟冬時享
禮隔數日一往問安迴

思此景不可復
得蜀勝悲慕
今年倍溯

思豐於何敢爾

母豐於既義莫大焉然久近之間終有殊亦人情之常雖聖人能異此

乎績莫大於斯久近究情異趨踰以禮持禘嘗闕治

國夫子昔言之

聖製歲暮禘祭

太廟禮成誌感丁酉

鴻龍運斗促流年

禘祀仍臨此吉蠲與祭以躬義斯重慎終追遠意惟

虔溯由一脉

宗而

祖派演天潢曾以玄讀祝敬聽增

位號憲皇帝 祫祭之禮自列聖 肇祖至皇考世宗 列后俱人祝文宣讀今

歲新增聖母孝聖憲 皇太后位號敬聽不勝悲哽 不禁薦地涕潸然

聖製孟冬時享

太廟禮成有述 戊戌

陪京返時馭

清廟舉冬烝惟切奉

先思敢忘

開創曾無文六英樂八奏南郊樂九奏北郊樂 宗廟樂六奏禮也

不和太羹銚繩繼萬年願惕乾一意兢

聖製歲暮禋祭

太廟是日雪詩 辛丑

瑞霽達曙積金鋪

太室修禋叶六符鼓瑟吹笙歌永思聲霏珠灑玉兆
祥敷同宗詎祇一脈也治國其如示掌乎弟子姪孫
出

聖祖王及 正位躬致禋香 列祖各位則近支諸

孫均 慶衍實前 皇祖曹元孫革本支 天家慶羨古來無

聖製孟冬時享通重刻

五廟冊寶告成恭奉尊藏敬成長律誌事

有序

壬寅

文謨武烈

列聖所以觀成玉檢金繩

在天子焉對越貴龍章於

太室

冊寶重陳鐫

鴻績以和闡球圖式煥精微德產欽吉蠲於四十七

載以前孝享靈承殷啟迪於億萬斯年而後于時
日維甲子幹枝徵長發之祥祀展孟冬玉牒麗方
新之象祇膺

餘慶言奉

陪京庶幾

陟降於紹庭

思文克配允矣照臨於時夏

景命同昭用告升禋虔攄長句

五廟重陳冊寶虔珍球精刻致和闡方長色質同一

律冊寶皆隨時敬造玉已長短率未能相符茲賴

良材一律造成冊寶祭不欲數因以孟冬時享於太廟

尊藏既展孝思亦申殷鑒

謨烈顯承奉大全

太室升新值冬孟

陪京弄舊溯基先余何弗監乎二代惟曰欲繇於萬

年

聖製孟冬時享

太廟禮成述事甲辰

通常躬祭值冬

朕臨御以來凡南郊大祀必躬親將事自甲子以後每祀俱有

禮成述事詩至時享太廟自御極後每多親詣行禮至今不啻百餘次而述事詩則或有或無近年

自熱河迴蹕率值孟冬時享每必親行至歲暮

祭則無不親祭也

禋祀恒親奉豆登去歲自慙兩番闕

昨歲因詣盛京恭謁祖陵

至十月望後迴蹕孟冬時享未獲躬詣至禋祭時值氣滯舊疾偶作回遑皇子恭代

五朝倍慕一心增六英和協禮兮樂百世本支雲與

仍戎朝

皇自考以暨朕躬一革者為世祖太祖六世來

孫至永字輩為第孫綿字輩為仍孫奕字輩為雲孫凡九世至今歲朕所得元孫載錫為十世又命宗人

府查出太祖長子褚英支派下得載字輩下一革因用奉字賜名曰奉福奉壽是白太祖至

今為十一世矣瓜瓞繁衍本支極盛仰惟
詔謀以斯仰
承燕
昌後之隆乎天
十一代綿瓜瓞永統惟

天眷萬年承

聖製歲暮禋祭

太廟禮成述事

乙巳

一年纔一舉

追王祀千秋尚未稽扶掖無非沐

噢咻分行稍簡禮

壬辰年冬因予春秋已逾六十俞

辨香
列祖各
位
派皇子及近支諸王恭代以省
繁縟有升香
昭穆節頻度執事
齋踏遠近友之

句

一脉永垂庥期待將歸政

乾隆六十年禋祭時次并將歸政擬仍親詣

祖神位前拈香不令諸皇子恭代以展積忱以符盛典

拈香親詣周

聖製歲暮禋祭

太廟禮成述事是日雪詩

丁未

禘嘗萬古義應循歲暮躬行致暮寅恰值六花飄瑞

雪正當昨日入新春肅供執事近宗室

皆元輩進昂

酒派衍

靈源冀佑神

皇祖來孫茲頂禮曾孫美純今貌予七世聞親人逮

事孫載錫皇祖下見元

聖製孟冬時享

太廟禮成述事庚戌

孟冬朔值立冬辰是日時享欽承年八旬不與祭誠

如不祭能躬親顙更能親

祖功

宗德仰太室日麗風和霽小春復此五週當致政卜

符願否倍生寅

聖製孟冬時享

太廟禮成述事是日頒朔詩 乙卯

冬孟承

天佑親禋

太室虔仰瞻揭嗣子初叩對

先筵萬載皇清福一心奕葉綿禮成頒朔吉嘉慶肇

新年

聖製歲暮禋祭

太廟禮成述事疊乙巳詩韻 乙卯

御製孟春時享

太廟禮成恭紀 丙辰

春師初承祭精禋肅祿將

五朝序昭穆一念見羹牆繼

志心滋懼蒙

恩敬未遑禮成餘感慕虔祝

錫嘉祥

御製孟夏時享

太廟禮成恭紀 丙辰

孟冬時享俱躬親承祭至秋嘗以隨羹羹牆
皇父駐蹕熱河循例遶道恭代

儼懽瞻如在俎豆饒芬儼若

憑觀德億年序

昭穆凝禧萬禩逮雲仍

五朝寶錄日恭讀

祖武

宗功凜敬繩

御製歲暮祫祭

太廟禮成敬述丙午

報本中誠敬嘉平裕祭專白山祥啓

聖朱果慶承

天對越股堂構瞻依

在几筵

訓諄思法

祖繼述重仔肩

御製孟春時享

太廟禮成恭紀

丁巳

獻歲開三始因時禴祭修光

前思

父訓繩

武廓王猷

聲教覃敷義於盡

謨烈德大功崇

慈訓刻勛聽聽茲膚
主德益稟紹衣之誠

宗德

祖功大水源本本求渺躬刻自勛繼述仰

貽謀

御製孟夏時享

太廟禮成敬述

丁巳

御製孟冬時享

太廟禮成恭紀 丁巳

報本修時祀精虔肅祿將

五朝疊繩繼三獻凜趨踰聆

訓承

家法傳心率蕙章告功昭

佑庇海宇普嘉祥

御製歲暮禋祭

太廟禮成敬述 丁巳

九廟几筵列瞻依肅寸忱

祖功

宗德大

父教子承欽俎豆昭芬若

羹牆儼式臨抒誠祈

佑庇邪首速成擒

教匪滋事由楚而陝近日被官軍勦入蜀賊勢日蹙依山綠水藉

嶺咀以延殘喘茲當改歲象叶更新仰賴在天然佑悉俘逆首速奏捷書息事寧人以布

始和之化

御製孟冬時享

太廟禮成敬述

戊午

告朔臨冬孟申虔

太室宜奉

先揚大烈繩

武輩丕基功德九闔洽

訓謨奕禩垂寸忱抒默祝

嘉佑勲邪師

川省教匪自王三棍就擒後已閱五旬尚未勦除淨盡此等劣民敢忘百五十

年生咸誣有之

嘉佑師貞迷餘者定天垂

御製歲暮禋祭

太廟禮成敬述 戊午

几筵陳太室合祭肅隆儀宗族司樽帛咸韶奏殿墀
憑臨昭有赫德澤沐無涯展拜抒微悃金甌百代基

御製孟秋時享

太廟禮成敬述 己未

承祀己三載秋嘗初潔誠

自丙辰初元主堂以
米孟春孟夏孟冬給

祭皆躬親承祀孟秋時享則因循
躋熟河伯例孟秋時享始親
憂恭遇孟秋時享始親

獻越綿秋嘗彌增蠲
昭明通

優懷感格見墻羹沐

澤年叨稔憂心賊未平敬祈

垂鑒佑川陝告功成仰伏各股賊匪勒捕尚未淨盡列祖垂佑速靖邊陲

虔奉尊羹
實深祈禱

御製孟冬時享

太廟禮成感述 乙未

升祔甫逾旬冬烝此肇禋

聲聞通饒愜奠獻助酸辛敬念

祖

宗德悲分

父子親忍聽讀

廟號飲泣痛難伸

御製歲暮禋祭

太廟禮成敬述 己未

日月何其速俄看

大禘臨瞻楹敬孚志增

位戚縈心

本年九月十九日敬奉
皇帝神主升祔太廟禮成增位
皇考高宗純

十室

十室澤彌厚渺躬懼弗禁知難倍兢業

啓佑鑒微忱

御製孟冬時享

太廟禮成敬述

庚申

冬丞履盛典

太室肅鴻儀繼述一身重

德

功奕禩垂安民祈降

福平賦願施

慈

考志未全遂仰瞻心益悲

蜀楚秦三省難屢奏捷音而大功未就苟以速慰

德屋偏增愧慕

御製歲暮裕祭

太廟禮成敬述

庚申

大裕舉嘉平質明禮告成熙朝萬禩法小子一

心誠

祖佑鴻禧溥民安泰運亨未能酬

考志瞻仰益哀情

御製孟春時享

太廟禮成恭紀 辛酉

諏吉行春杓宜年叶穀辰 東方朔占書
八日為穀

羹牆通儉愜

昭

穆仰尊親制帛陳三采嘉蔬薦五辛寸忱承

考澤

垂佑息征塵 初一切二初四等日軍營壘報使音川
快楚諸路賊匪俱窮賊竄散新春事禮

大順虔祈
默佑即奏成功

御製四月三日 禋祭

太廟禮成敬述

辛酉

嘉平裕祭禮之常告

廟除練由舊章

每歲四孟及歲暮裕祭此常行之禮也

禘是也

祖烈於昭緬繼述孝思不墮見

羹牆承

歡已失無方養致氣惟存有飭香

創業守成任重大殫心黽迪

前光

憶自丙辰稟稟現今三省授政後無日不以仔肩重任為

切安氏畜衆胥仰賴
予表夙夜殫心彌深統
皇考鴻慈默佑啓迪
殷與懷恤之
情俱切也

御製孟秋時享

太廟禮成敬紀

辛酉

吉禮應時舉

太室展秋嘗心瀕

羹牆表誠通邊豆香俯臨多惠難仰事實慙惶叩禱
布

垂佑祛邪戎武揚

御製孟冬時享

太廟禮成敬述

辛酉

敬體祭如在仰瞻

祖

考臨常懷大業重彌凜寸忱欽顙

佑賜年稔祈

恩救刻深繼繩慚德薄

昭格溯居歆

御製歲暮禋祭

太廟禮成敬述

辛酉

大禋歲除舉隆儀

太室行宗友捧帛爵

祖

考見牆羹追遠懷開創思艱重守成彌殷繼述志兢

業凜持盈

御製孟秋時享

太廟禮成敬紀

壬戌

嘗祭舉秋月仰瞻嚴

鑒臨承

先述大法續武凜微忱奠帛孫致敬升香

帝格歆渺躬繼

六廟宵旰寸衷欽

御製孟冬時享

太廟禮成敬述

壬戌

孺慕時綦念應同歲月增心常感霜露典自例

嘗烝

六室仰

昭

穆一身凜繼繩芳民幸漸定

佑啓實臨憑

川陝楚三省提報頻來除匪即日掃除淨盡可期民安績歲實仰顯

之憑佑也

御製歲暮裕祭

太廟禮成敬述

壬戌

歲除舉大裕

太室展隆儀

十廟列邊豆萬年固本支

豐功欽繼述

駿業凜昭垂負荷仔肩重永言疊孝思

御製孟秋時享

太廟禮成敬述

全亥

三省事初定繼繩凜寸忱烝黎得休息

祖

考式憑臨率育思文什肅雝清廟音升香裒倍感
渥澤溥高深

御製孟冬時享

太廟禮成敬述

癸亥

祭典舉冬孟吉蠲展敬忱几陳三獻禮階奏几
韶音歲稔田收穀兵還民格心於昭

祖

考佑誠感懋丕欽

御製歲暮裕祭

太廟禮成敬述

癸亥

四序將更始歲除太裕修美牆通

佑啓對越凜

謀猷世德期無忝舊章勉作求仔肩難負荷

垂澤固金甌

我朝自開國以來聖德事彰

列祖列宗神功丕著所以燕

詒垂佑者

享予小子對越於勿替茲當歲暮廟中

念鉅艱

創垂之遠大也思繼述之鉅艱顯福普坤維長綏寔祚

御製孟秋時享

太廟禮成敬述 甲子

商金初協律

太廟展秋嘗緬憶

祖恩厚永懷

考澤洋

大統親承

艱哉

為后念丕基

考思澤之源

付託之重

明廷

倍恭 竭誠通

懷愾肅志達馨香基業守成重仔肩敢不覆創

業守

易聖製文計言之予小子曷敢上擬功業之隆然敢自勉惟期無負仔肩繼述哀

忱不禁瞻仰美瞻而如訴矣

御製孟冬時享

太廟禮成敬述

甲子

祀典展冬烝丕基勉敬承一心欽統緒

六室儼臨憑

垂裕祈昌熾恪恭疊繼繩餘氛幸全定保泰益兢兢

沈氛廓清民物平安於仲秋月三首泰歲事之
續此皆仰賴列祖皇考在天鴻慈默

佑予小子執蓬將事寅畏彌深
敢不敬告成功而益凜兢惕耶

御製歲暮禋祭

太廟禮成敬述 甲子

歲除行大禋紀典敬承先

十室鴻猷啓一身重任肩

德功冊府備

優懷飭芬傳嗣服衷欽感永綏億萬年

薦晉通當啓

祖德

考思永永

無珠丘在望追思
感於懷耳

御製孟冬時享

太廟禮成敬述

乙丑

秋祀抒虔告冬裡值典成

三陵開大業奕禩輩皇清

肇造恢謨烈繼繩慎滿盈渺躬欽抱蜀勤政報

思宏

御製歲暮禋祭

太廟禮成敬述

乙丑

授時歲云暮禘祭舉隆儀

祖

考永貽澤子孫普受釐存誠希

妥侑主敬沐

鴻慈仰事疊繩繼守成固本基

御製孟秋時享

太廟禮成敬述

丙寅

秋嘗修典祀

太室肅隆儀繼述懷

先烈敬勤副

考慈音容仰如在香帛達誠思不墮永欽感持盈革
國基

御製孟冬時享

太廟禮成敬述

祖功

宗德大承繼重仔肩肇造丕基固誕敷
駿烈宣烝嘗祭以禮水木脈長延永念
考恩厚仰瞻終慨然